

玄覽堂叢書續集

第二十四冊

中國經濟地理

第一版

總督四鎮奏議卷之五目錄

條陳薊鎮未盡事宜疏

查叅貪肆將官疏

議增遼鎮軍餉馬價疏



總督四鎮奏議卷之五

條陳薊鎮未盡事宜疏

題為仰遵

勅旨條陳遼鎮未盡事宜以備

採擇事案照先准兵部咨該巡按直隸監察御史蘇
鄮題重薊東以備衝邊等各款該本部議覆合
候

命下備行該鎮督撫衙門查將後開各鎮事件逐一
詳議妥當要見應修舉應設復者人情有無便

易應更置應因革者事體可否變更具奏前來
以憑覆

請定奪等因題奉

聖旨着行與各鎮督撫官計議停當具奏欽此欽遵
備咨前來該前督臣張 隨經備咨順天保

定各撫臣查照會議去後除保鎮候查議至日
另

題外今准順天巡撫右僉都御史蹇 各行准薊
昌兩鎮總兵官張臣等督同協路副總兵等官

李如栢等及行據密雲等道兵備叅政等官郭
四維等逐一查議明白酌議備咨到臣該臣會
同整飭薊州等處邊備兼巡撫順天等府地方
都察院右僉都御史蹇議照薊昌二鎮設居
畿輔環衛

陵京其在西北尚有宣大為之外藩其在東北與虜
僅隔一牆又與遼左唇齒相依蓋至嚴重矣乃
以士馬則積弱未振以修築則缺略尚多其他
一切戰守訓練機宜昔所經畫未盡者今該巡

關御史蘇軾身履其地條列一十一事皆觸目
激衷籌邊遠略鑿鑿可行伏蒙

皇上嘉納允行覆查臣等敢不仰體

聖懷虛心博議以裨

廟筭於萬一除重薊東築險要二款近該兵科給事
中王問卿題為薊東虜患最為可虞乞議邊工
衝緩以固封守以節軍力事又該巡關監察御
史傅光宅題為邊牆衝塌數多疎略可慮乞

賜亟行查修并議重大橋工以省勞費事兵部備咨

到臣臣等一併勘議停妥另行具

題外其餘各款既經鎮道各官查議呈報前來臣等覆加參酌量時勢之難易審財力之盈虛及訪之輿論察之軍情法尚變通事期經久謹照款開列前件相應題

請伏乞

勅下該部再加覆議上

請定奪行下臣等遵奉施行緣係仰遵

勅旨條陳邊鎮未盡事宜以備

採擇事理未敢擅便為此具本專差鎮撫朱堂親齎

謹題請

旨

計開

一移軍府以便策應

前件臣等行據薊鎮總兵官張臣薊州
等道兵備朱衣等議呈前來臣等看
得薊鎮設三協守以分統十二路無
事則及時訓練有警則隨機應援必

駐劄適中使指臂相通聲勢相聯乃
于緩急有濟今中協與鎮守同城增
設之謂何東協駐建昌則偏于儘西
叅將駐燕河則偏于儘東委于守援
不便關臣得于目睹備詢適中之所
移中協于漢莊移東協于平山移燕
河叅將于劉家營俱屬允當無容他
議矣惟展拓城池建蓋公署營房一
節必資軍力目今

欽限邊工難于分撥若俟三年告完然後遷移時久
見異將為道傍築舍矣似宜酌量緩
急次第漸舉及查中協所部之兵有
調操者既可以三屯亦可以漢莊有
三屯土著者有警則駐漢莊無警仍
回三屯且漢莊亦有營房堪以棲止
即有不敷該協軍士向來不派工作
去邊不遠撤防之日分發出口採辦
木植自不妨于陸續建造此中協所

當先移也其東協與燕河叅將今歲
秋防一駐平山一駐劉家營有警則
戒備嚴防無警則督令標下親兵或
開拓基址或積辦物料俟緊急邊工
完有次第量撥軍夫先儘平山工完
移定再及劉家營接續建遷庶一勞
永逸有裨邊計及照秋防屆期巡撫
親提標兵駐劄建昌一節查得嘉靖
間原有分地畫守之議至隆慶三年

該督臣譚 撫臣劉 准兵部咨

該本部題內議巡撫總管薊昌兩鎮
諸路總督提綱挈領居中調度勿得
仍拘信地自分彼此等因在卷遵行
已久合無至期撫臣惟因虜報之東
西緩急以定駐劄之所如急東虜則
駐建昌永平急西虜則駐遵化馬蘭
之間庶于督防更便伏乞

聖裁

一處募兵以期實用

前件臣等行據薊鎮總兵官張臣密雲等道兵備郭四維等議呈前來臣等看得譚薊昌邊事者昔苦無兵故議調入衛至萬曆十一年復議密雲左右兩營召募標兵以抵撤回延綏大同入衛客兵之數蘇息遠戍意未始不善也使募之有法則燕趙慷慨之士豈不足備戰守哉第因先年充募

勾丁繼補無異永戍土著之民多不
樂就而遊食亡命之巨奸與串營冒
餉之大猾應募而來委官苟且完事
據其壯貌似若精強稽其貫籍多屬
詭捏糧賞蕩盡約束稍加即相率而
逃如灤漢所募之兵存者不及三分
之二弊亦坐此該管將領畏懼叅罰
又以逃亡為諱私自募補隨補隨逃
隨逃隨補名籍愈混蓋至今而大壞

極敝矣為今如照關臣先議將二營
減作一營但二營俱係車兵與三屯
左右二營騎兵配合訓練有警車騎
並馳兵制既定廢一車即單一騎未
免營伍參差合無將灤漢二營之兵
俱以二千一百名著為定額照舊車
騎合練此外不必召補所遺灤陽營
九百名錢糧改撥永平鎮募補山海
路缺額主兵月餉之用其漢莊營所

省九百名錢糧係抵裁保河民兵工
食不在額餉之內以備打造新議戰
車及新建邊臺器具之用一轉移間
而數利備矣即今灤陽營止有見在
軍一千六百五名仍應補四百九十
五名漢莊營止有見在兵一千六百
五十六名仍應補四百四十四名悉
如關臣所議將領不許私補開送該
道責成附近州縣掌印官查民壯鄉